



1529

(B97)

Broj: 11-05-38-sl./16  
Sarajevo, 13.11.2017. godine

## SKUPŠTINA KANTONA SARAJEVO

**PREDMET:** Odgovor na zastupničko pitanje, br: 01-05-17420/17 od 11.05.2017. godine, dostavlja se

**PITANJE:** Zastupnik u Skupštini Kantona Sarajevo Selma Filipović, na 29. Radnoj sjednici Skupštine Kantona Sarajevo, održanoj dana 10.05.2017. godine, u okviru tačke Dnevnog reda „Poslanička pitanja, inicijative i odgovori“, postavio je sljedeće zastupničko pitanje:

- „1. Šta je preduzeto na Univerzitetu SSST nakon što je Kantonalna uprava za inspekcijske poslove, koja je dana 08.06.2016. godine vršila inspekcijski nadzor i konstatovala da rektor Ejup Ganić zbog 72 godine starosti ne može obnašati funkciju rektora kao i zbog toga što mu je mandat istekao 29.08.2016. godine odlukom Senata Univerziteta od 29.08.2012. godine-molim za punu informaciju da li je trenutni rektor ovog univerziteta zakonito na toj poziciji, a ako nije, šta je posljedica odluka donešenih u takvom statusu po diplome studenata i šta Ministarstvo planira poduzeti?
2. Da li je tačno da Medicinski fakultet Univerziteta SSST koristi Univerzitetski klinički centar Sarajevo (UKCS) za praksu svojih studenata, te ukoliko je to tačno, da li SSST plaća ovu uslugu UKCS. Pošto je UKCS ustanova od značaja i za Kanton Sarajevo, da li je tačno da na Medicinskom fakultetu SSST-a predaju profesori koji su u isto vrijeme rade na UKCS?
3. Da li Američki univerzitet u BiH ima dozvolu za rad u Kantonu Sarajevo, tj. ima li pravo da održava nastavu na svojim fakultetima u Sarajevu, i ako nema, šta je Minsiatrtvo poduzelo u vezi nelegalnog održavanja nastave?

### ODGOVOR:

Ministarstvo za obrazovanje, nauku i mlade Kantona Sarajevo je u vezi sa postavljenim upitom zatražilo izjašnjenje od strane Univerziteta Sarajevska škola za nauku i tehnologiju (SSST). U dostavljenom izjašnjenju navodi se da je prosvjetna inspekcija u postupku vršenja inspekcijskog pregleda dana 08.06.2016. godine utvrdila da prof. dr. Ejup Ganić ima 70 godina života i da u skladu sa Zakonom o visokom obrazovanju obnaša funkciju rektora. Također, u izjašnjenju se navodi da prof. dr. Ejup Ganić ne obnaša funkciju rektora Univerziteta SSST zaključno sa studijskom 2015./2016. godinom. Nadalje, navodi se da diplome studenata koji su diplomirali u studijskoj 2016./2017. godini potpisuje novoizabrani rektor, o čemu je obaviještena i prosvjetna inspekcija.

U odnosu na korištenje kapaciteta UKCS-a od strane Medicinskog fakulteta SSST-a, navodi se da na osnovu sporazuma o naučno-nastavnoj saradnji s Univerzitetskim kliničkim centrom Sarajevo broj: 0202-13-822 od 25.09.2013. godine, studenti Medicinskog fakulteta u sastavu SSST-a obavljaju svoju praksu u skladu sa Nastavnim planom i programom na UKCS-u. Također, se navodi da na Medicinskom fakultetu SSST-a predaju ljekari UKCS-a po osnovu navedenog sporazuma i odobrenja menadžmenta UKCS-a, koji u tom smislu imaju zakonom dozvoljeno dijeljeno radno vrijeme koje podrazumijeva dvije porezne prijave i dva ugovora o radu kod dva poslodavca tj. sa UKCS-om i Univerzitetom SSST-om.



web: <http://www.mon.ks.gov.ba>

e-mail: [mon@mon.ks.gov.ba](mailto:mon@mon.ks.gov.ba);

Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1



U odnosu na dio pitanja koji se odnosi na rad Američkog univerziteta u BiH, na području Kantona Sarajevo, informišemo Vas da Američki univerzitet u BiH nema dozvolu za rad na području Kantona Sarajevo. Međutim, Američki univerzitet u BiH koji ima sjedište u Tuzli, je na području Kantona Sarajevo osnovao visoku školu „Američka škola za ekonomiju“ koja je licencirana da realizuje nastavni proces na prvom ciklusu studija iz jednog studijskog programa.

S poštovanjem,



**Dostaviti:**

- ① Naslovu,
2. Stručna služba Vlade Kantona Sarajevo
3. a/a



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)

Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

